

欽依法司知道事理未敢擅便具題奉  
聖旨是欽此

南京該兵馬司弓兵人等假以上司追併妄拿手  
人騙財等項許巡街巡捕官拿問

一件陳言事弘治六年十月內南京錦衣衛帶俸  
指揮王銳該都察院右都御史屠 等題

准行移南京法司今後拘提人犯該兵馬司等衙門官吏敢有  
縱容弓兵人等假以上司追併妄拿親隣人等挾  
騙財物及獄卒人等索取燈油等錢許令巡捕官  
及巡街御史緝拿徑送法司追問治以重罪該屠  
官司鈐束不嚴徑自參問

各衙門前隣主說事過錢發充軍

一件與利除害安養軍民事弘治七年三月內禮部

辦事吏楊剛奏該禮部尚書倪 等題

准今後在外各司府州縣等衙門前隣住軍民之家有犯說  
事過錢蠹政害民者軍人定發衛民人舍餘各  
發沿海衛所充軍止終本身通行在外巡撫巡按  
問刑衙門各司府州縣衛所知會及出告示仍於  
各衙門前張掛曉諭遵守